

新

譯

大方廣佛華嚴經

第四十四

一百十四

育四

47916



元祿九年丙子二月日重脩

皇圖瓊圃 帝階綴昌

佛日增輝 懋輪常轉

山城州天安寺法金剛院置

大方廣佛華嚴經卷第四十四

于闐國三藏沙門 實叉難陀 譯

十通品第二十八

爾時普賢菩薩摩訶薩告諸菩薩言佛

子菩薩摩訶薩有十種通何者為十佛

華嚴經卷四十四

子菩薩摩訶薩以他心智通知

大千世界衆生心差別所謂善心不善

心廣心狹心大心小心順生死心背生

死心聲聞心獨覺心菩薩心聲聞行心

獨覺行心菩薩行心天心龍心夜叉心



乾闥婆心阿脩羅心迦樓羅心緊那羅
心摩睺羅伽心人心非人心地獄心畜
生心閻魔王處心餓鬼心諸難處衆生
心如是一世界如是百世界千世界百
千世界百千億那由他世界乃至不可
說不可說佛刹微塵數世界中所有衆
生心悉分別知是名菩薩摩訶薩第一
善知他心智神道佛子菩薩摩訶薩以
無礙清淨天眼智道見無量不可說不

可說佛刹微塵數世界中衆生死此生
彼善趣惡趣福相罪相或好或醜或垢
或淨如是品類無量衆生所謂天衆龍
衆夜叉衆乾闥婆衆阿脩羅衆迦樓羅
衆緊那羅衆摩睺羅伽衆人衆非人衆
微細身衆生衆廣大身衆生衆小衆大
衆如是種種衆生衆中以無礙眼悉皆
明見隨所積集業隨所受苦樂随心隨
分別隨見隨言說隨回隨業隨所緣隨
所起悉皆見之無有錯認是名菩薩摩

華嚴卷四十四

二

一

訶薩第二無礙天眼智神通佛子菩薩
摩訶薩以宿住隨念智通能知自身及
不可說不可說佛刹微塵數世界中一
切衆生過去不可說不可說佛刹微塵
數劫宿住之事所謂某處生如是名如
是姓如是種族如是飲食如是苟樂後
無始來於諸有中以因以緣展轉滋長
次第相續輪迴不絕種種品類種種國
土種種趣生種種形相種種業行種種
結使種種種心念種種種因緣受生差別如

是等事皆悉了知又憶過去尔所佛刹
微塵數劫尔所佛刹微塵數世界中有
尔所佛刹微塵數諸佛一一佛如是名
貌如是出興如是衆會如是父母如是
侍者如是聲聞如是最勝二大弟子於
如是城邑如是出家復於如是菩提樹
下成最正覺於如是處坐如是座演說
如是若干經典如是利益尔所衆生於
尔所時住於壽命施作如是若干佛事
依無餘依般涅槃界而般涅槃般涅槃

華嚴卷四十四

三

後法住久近如是一切悉能憶念又憶
念不可說不可說佛刹微塵數諸佛名
號一一名號有不可說不可說佛刹微
塵數佛從初發心起願脩行供養諸佛
調伏衆生衆會說法壽命多少神通變
化乃至入於無餘涅槃後法住
久近造立塔廟種種莊嚴令諸衆生種
植善根皆悉能知是名菩薩摩訶薩第
三知過去際劫宿住智神通佛子菩薩
摩訶薩以知盡未來際劫智通知不可

說不可說佛刹微塵數世界中所有劫
一一劫中所有衆生命終受生諸有相
續業行果報若善若不善若出離若不
出離若決定若不決定若邪定若正定
若善根與使俱若善根不與使俱若具
足善根若不具足善根若攝取善根若
不攝取善根若積集善根若不積集善
根若積集罪法若不積集罪法如是一
切皆能了知又知不可說不可說佛刹
微塵數世界盡未來際有不可說不可

華嚴卷四十四

四

說佛刹微塵數劫一一劫有不可說不
可說佛刹微塵數諸佛名號一一名號
有不可說不可說佛刹微塵數諸佛如
來一一如來從初發心起願立行供養
諸佛教化衆生衆會說法壽命多少神
道變化乃至入於無餘涅槃般涅槃後
法住久近造立塔廟種種莊嚴令諸衆
生種植善根如是等事悉能了知是名
菩薩摩訶薩第四知盡未來際劫智神
道佛子菩薩摩訶薩成就無礙清淨天

耳圓滿廣大聰徹離障了達無礙具足
 成就於諸一切所有音聲欲聞不聞隨
 意自在佛子東方有不可說不可說佛
 刹微塵數佛是諸佛所說所示所開所
 演所安立所教化所調伏所憶念所分
 別甚深廣大種種差別無量方便無量
 善巧清淨之法於彼一切皆能受持又
 於其中若義若文若一人若衆會如其
 音辭如其智慧如所了達如所示現如
 所調伏如其境界如其所依如其出道

華嚴卷第四

五

於彼一切悉能記持不忘不失不斷不
退無迷無惑為他演說令得悟解終不
忘失一文一句如東方南西北方四維
上下亦復如是是名菩薩摩訶薩第五
無礙清淨天耳智神通佛子菩薩摩訶
薩住無體性神通無作神通平等神通
廣大神通無量神通無依神通隨念神
通起神通不起神通不退神通不斷神
通不壞神通增長神通隨詣神通此菩
薩聞極遠一切世界中諸佛名所謂無

數世界無量世界乃至不可說不可說
佛刹微塵數世界中諸佛名聞其名已
即自見身在彼佛所彼諸世界或仰或
覆各各形狀各各方所各各差別無邊
無礙種種國土種種時劫無量功德各
別莊嚴彼彼如來於中出現示現神變
稱揚名號無量無數各各不同此菩薩
一得聞彼諸如來名不動本處而見其
身在彼佛所禮拜尊重承事供養問菩

華嚴卷四十四

六

薩法入佛智慧悉能了達諸佛國土道

場衆會及所說法至於究竟無所取著
如是經不可說不可說佛刹微塵數劫
普至十方而無所往然詣刹觀佛聽法
請道無有斷絕無有廢捨無有休息無
有疲厭脩菩薩行成就大願悉令具足
曾無退轉為令如來廣大種性不斷絕
故是名菩薩摩訶薩第六住無體性無
動作徃一切佛刹智神通佛子菩薩摩
訶薩以善分別一切衆生言音智通知
不可說不可說佛刹微塵數世界中衆

生種種言辭所謂聖言辭非聖言辭天
言辭龍言辭夜叉言辭乾闥婆阿脩羅
迦樓羅緊那羅摩睺羅伽人及非人乃
至不可說不可說衆生所有言辭各各
表示種種差別如是一切皆能了知此
華嚴卷四十四
菩薩隨所入世界能知其中一切衆生
所有性欲如其性欲為出言辭悉令解
了無有疑惑如日光出現普照衆色令
有目者悉得明見菩薩摩訶薩亦復如
是以善分別一切言辭智深入一切言

辭雲所有言辭令諸世間聰慧之者悉
得解了是名菩薩摩訶薩第七善分別
一切言辭智神通佛子菩薩摩訶薩以
出生無量阿僧祇色身莊嚴智通知一
切法遠離色相無差別相無種種相無
無量相無分別相無青黃赤白相菩薩
如是入於法界能現其身作種種色所
謂無邊色無量色清淨色莊嚴色普徧
色無比色普照色增上色無違逆色具
諸相色離衆惡色大威力色可尊重色

無窮盡色衆雜妙色極端巖色不可量
色善守護色能成熟色隨化者色無障
礙色甚明徹色無垢濁色極澄淨色大
勇健色不思議方便色不可壞色離瑕
翳色無障闇色善安住色妙莊嚴色諸
相端巖色種種隨好色大尊貴色妙境
界色善磨瑩色清淨深心色熾然明盛
色最勝廣大色無間斷色無所依色無
等比色充滿不可說佛刹色增長色堅
固攝受色最勝功德色隨諸心樂色清

淨解了色積集衆妙色善巧決定色無
有障礙色虛空明淨色清淨可樂色離
諸塵垢色不可稱量色妙見色普見色
隨時示現色寂靜色離貪色真實福田
色能作安隱色離諸怖畏色離愚癡行
色智慧勇猛色身相無礙色遊行普徧
色心無所依色大慈所起色大悲所現
色平等出離色具足福德色随心憶念
色無邊妙寶色寶藏光明色衆生信樂
色一切智現前色歡喜眼色衆寶莊嚴

第一色無有處所色自在示現色種種
神通色生如來家色過諸譬喻色周徧
法界色衆皆往詣色種種色成就色出
離色隨所化者威儀色見無厭足色種
種明淨色能放無數光網色不可說光
明種種差別色不可思香光明超過三
界色不可量日輪光明照耀色示現無
比月身色無量可愛樂華雲色出生種
種蓮華鬘雲莊嚴色超過一切世間香
燄普熏色出生一切如來藏色不可說

音聲開示演暢一切法色具足一切普
賢行色佛子菩薩摩訶薩深入如是無
色法界能現此等種種色身令所化者
見令所化者念為所化者轉法輪隨所
化者時隨所化者相令所化者親近令
所化者開悟為所化者起種種神通為
所化者現種種自在為所化者施種種
能事是名菩薩摩訶薩為度一切衆生
故勤脩成就第八無數色身智神通佛
子菩薩摩訶薩以一切法智通知一切

法無有名字無有種性無來無去非異
非不異非種種非不種種非二非不二
無我無比不生不滅不動不壞無實無
虛一相無相非無非有非法非非法不
隨於俗非不隨俗非業非非業非報非
非報非有為非無為非第一義非不第
一義非道非非道非出離非不出離非
量非無量非世間非出世間非後曰生
非不後曰生非決定非不決定非成就
非不成就非出非不出非分別非不分

華嚴卷四十四

十

別非如理非不如理此菩薩不取世俗
諦不住第一義不分別諸法不建立文
字隨順寂滅性不捨一切願見義知法
興布法雲降靈法雨雖知實相不可言
說而以方便無盡辯才隨法隨義次第
開演以於諸法言辭辯說皆得善巧大
慈大悲悉已清淨能於一切離文字法
中出生文字與法與義隨順無違為說
諸法悉從緣起雖有言說而無所著演
一切法辯才無盡分別安立開發示道

令諸法性具足明顯斷衆疑網悉得清
淨雖攝衆生不捨真實於不二法而無
退轉常能演說無礙法門以衆妙音隨
衆生心普雨法雨而不失時是名菩薩
摩訶薩華嚴卷四十四九一切法智神通佛子菩薩
摩訶薩以一切法滅盡三昧上智通於念
念中入一切法滅盡三昧亦不退菩薩
道不捨菩薩事不捨大慈大悲心脩習
波羅蜜未嘗休息觀察一切佛國土無
有厭倦不捨度衆生願不斷轉法輪事

不廢教化衆生業不捨供養諸佛行不
捨一切法自在門不捨常見一切佛不
捨常聞一切法知一切法平等無礙自
在成就一切佛法所有勝願皆得圓滿
了知一切國土差別入佛種性到於彼
岸能於彼彼諸世界中覺一切法了法
無相知一切法皆從緣起無有體性然
隨世俗方便演說雖於諸法心無所住
然順衆生諸根欲樂方便為說種種諸
法此菩薩住三昧時隨其心樂或住一

劫或住百劫或住千劫或住億劫或住
百億劫或住千億劫或住百千億劫或
住那由他億劫或住百那由他億劫或
住千那由他億劫或住百千那由他億
劫或住無數劫或住無量劫乃至或住
不可說不可說劫菩薩入此一切法滅
盡三昧雖復經於爾所劫住而身不離
散不羸瘦不變異非見非不見不滅不
壞不疲不懈不可盡劫雖於有於無悉
無所作而能成辦諸菩薩事所謂恒不

捨離一切衆生教化調伏未曾失時令
其增長一切佛法於菩薩行悉得圓滿
為欲利益一切衆生神通變化無有休
息譬如光影普現一切而於三昧寂然
不動是為菩薩摩訶薩入一切法滅盡
三昧智神通佛子菩薩摩訶薩住於如
是十種神通一切天人不能思議一切
衆生不能思議一切聲聞一切獨覺及
餘一切諸菩薩衆如是皆悉不能思議
此菩薩身業不可思議語業不可思議

意業不可思議三昧自在不可思議智
慧境界不可思議唯除諸佛及有得此
神通菩薩餘無能說此人功德稱揚讚
歎佛子是為菩薩摩訶薩十種神通若
菩薩摩訶薩住此神通悉得一切三世
無礙智神通

華嚴卷四十四

十三

十忍品第二十九

爾時普賢菩薩告諸菩薩言佛子菩薩
摩訶薩有十種忍若得此忍則得到於
一切菩薩無礙忍地一切佛法無礙無

盡何者為十所謂音聲忍順忍無生法
忍如幻忍如燄忍如夢忍如響忍如影
忍如化忍如空忍此十種忍三世諸佛
已說今說當說佛子云何為菩薩摩訶
薩音聲忍謂聞諸佛所說之法不驚不
怖不畏深信悟解愛樂趣向專心憶念
脩習安住是名菩薩摩訶薩第一音聲
忍佛子云何為菩薩摩訶薩順忍謂於
諸法思惟觀察平等無違隨順了知令
心清淨正住脩習趣入成就就是名菩薩

摩訶薩第二順忍佛子云何為菩薩摩
訶薩無生法忍佛子此菩薩摩訶薩不
見有少法生亦不見有少法滅何以故
若無生則無滅若無滅則無盡若無盡
則離垢若離垢則無差別若無差別則
無處所華嚴卷四十四若無處所則寂靜若寂靜則離
欲若離欲則無作若無作則無願若無
願則無住若無住則無去無來是名菩
薩摩訶薩第三無生法忍佛子云何為
菩薩摩訶薩如幻忍佛子此菩薩摩訶

薩知一切法皆悉如幻後曰緣起於一
法中解多法於多法中解一法此菩薩
知諸法如幻已了達國土了達衆生了
達法界了達世間平等了達佛出現平
等了達三世平等成就種種神通變化
譬如幻非象非馬非車非步非男非女
非童男非童女非樹非葉非華非果非
地非水非火非風非晝非夜非日非月
非半月非一月非一年非百年非一劫
非多劫非定非亂非純非雜非一非異

非廣非狹非多非少非量非無量非嵐
非細非是一切種種衆物種種非幻幻
非種種然由幻故示現種種差別之事
菩薩摩訶薩亦復如是觀一切世間如
幻所謂業世間煩惱世間國土世間法
世間時世間趣世間成世間壞世間運
動世間造作世間菩薩摩訶薩觀一切
世間如幻時不見衆生生不見衆生滅
不見國土生不見國土滅不見諸法生
不見諸法滅不見過去可分別不見未

華嚴卷四十四

十五

來有起作不見現在一念住不觀察菩
提不分別菩提不見佛出現不見佛涅
槃不見住大願不見入正位不出平等
性是菩薩雖成就佛國土知國土無差
別雖成就衆生界知衆生無差別雖普
觀法界而安住法性寂然不動雖達三
世平等而不違分別三世法雖成就蘊
處而不斷所依雖度脫衆生而了知法
界平等無種種差別雖知一切法遠離
文字不可言說而常說法辯才無盡雖

不取著化衆生事而不捨大悲為度一切轉於法輪雖為開示過去因緣而知因緣性無有動轉是名菩薩摩訶薩第四如幻忍佛子去何為菩薩摩訶薩如能忍佛子此菩薩摩訶薩知一切世間華嚴卷第四同於陽燄十六譬如陽燄無有方所非內非外非有非無非斷非常非一色非種種色亦非無色但隨世間言說顯示菩薩如是如實觀察了知諸法現證一切令得圓滿是名菩薩摩訶薩第五如能忍

佛子云何為菩薩摩訶薩如夢忍佛子
此菩薩摩訶薩知一切世間如夢譬如
夢非世間非離世間非欲界非色界非
無色界非生非沒非染非淨而有示現
菩薩摩訶薩亦復如是知一切世間悉
同於夢無有變異故如夢自性故如夢
執著故如夢性離故如夢本性故如夢
所現故如夢無差別故如夢想分別故
如夢覺時故是名菩薩摩訶薩第六如
夢忍佛子云何為菩薩摩訶薩如響忍

佛子此菩薩摩訶薩聞佛說法觀諸法
性脩學成就到於彼岸知一切音聲悉
同於響無來無去如是示現佛子此菩
薩摩訶薩觀如來聲不從內出不從外
出亦不從於內外而出雖了此聲非內
非外非內外華嚴卷四十四出而能示現善巧十七名句成
就演說譬如谷響從緣所起而與法性
無有相違令諸衆生隨類各解而得脩
學如帝釋夫人阿脩羅女名曰舍支於
一音中出千種音亦不心念令如是出

菩薩摩訶薩亦復如是入無分別界成
就善巧隨類之音於無邊世界中恒轉
法輪此菩薩善能觀察一切衆生以廣
長舌相而為演說其聲無礙徧十方土
令隨所宜聞法各異雖知聲無起而普
現音聲雖知無所說而廣說諸法妙音
平等隨類各解悉以智慧而能了達是
名菩薩摩訶薩第七如響忍佛子云何
為菩薩摩訶薩如影忍佛子此菩薩摩
訶薩非於世間生非於世間沒非在世

間內非在世間外非行於世間非不行
世間非同於世間非異於世間非往於
世間非不往世間非住於世間非不住
世間非是世間非出世間非脩菩薩行
非捨於大願非實非不實雖常行一切
佛法而能辦一切世間事不隨世間流
亦不住法流譬如日月男子女人舍宅
山林河泉等物於油於水於身於寶於
明鏡等清淨物中而現其影影與油等
非一非異非離非合於川流中亦不漂

度於池井內亦不沉沒雖現其中無所
染著然諸衆生知於此處有是影現亦
知彼處無如是影遠物近物雖皆影現
影不隨物而有遠近菩薩摩訶薩亦復
如是能知自身及以他身一切皆是智
之境界不作二解謂自他別而於自國
土於他國土各各差別一時普現如種
子中無有根芽莖節枝葉而能生起如
是等事菩薩摩訶薩亦復如是於無二
法中分別二相善巧方便通達無礙是

名菩薩摩訶薩第八如影忍菩薩摩訶
薩成就此忍雖不徃詣十方國土而能
普現一切佛刹亦不離此亦不到彼如
影普現所行無礙令諸衆生見差別身
同於世間堅實之相然此差別即非差
別別與不別無所障礙此菩薩從於如
來種性而生身語及意清淨無礙故能
獲得無邊色相清淨之身佛子云何為
菩薩摩訶薩如化忍佛子此菩薩摩訶
薩知一切世間皆悉如化所謂一切衆

生意業化覺想所起故一切世間諸行
化分別所起故一切苦樂顛倒化妄取
所起故一切世間不實法化言說所現
故一切煩惱分別化想念所起故復有
清淨調伏化無分別所現故於三世不
轉化無生平等故菩薩願力化廣大脩
行故如來大悲化方便示現故轉法輪
方便化智慧無畏辯才所說故菩薩如
是了知世間出世間化現證知廣大知
無邊知如事知自在知真實知非虛妄

見所能傾動隨世所行亦不失壞譬如
化不從心起不從心法起不從業起不
受果報非世間生非世間滅不可隨逐
不可攬觸非久住非須臾住非行世間
非離世間不專繫一方不普屬諸方非
有量非無量不厭不息非不厭息非凡
非聖非染非淨非生非死非智非愚非
見非不見非依世間非入法界非點慧
非遲鈍非取非不取非生死非涅槃非
有非無有菩薩如是善巧方便行於世

間脩菩薩道了知世法分身化往不著
世間不取自身於世於身無所分別不
住世間不離世間不住於法不離於法
以本願故不棄捨一衆生界不調伏少
衆生界不分別法非不分別知諸法性
無來無去雖無所有而滿足佛法了法
如化非有非無佛子菩薩摩訶薩如是
安住如化忍時悉能滿足一切諸佛菩
提之道利益衆生是名菩薩摩訶薩第
九如化忍菩薩摩訶薩成就此忍凡有

所作悉同於化聲如化士於一切佛刹
無所依住於一切世間無所取著於一
切佛法不生分別而趣佛菩提無有懈
倦備菩薩行離諸顛倒雖無有身而現
一切身雖無所住而住衆國土雖無有
色而普現衆色華嚴卷四十四雖不著實際五而明照法
性平等圓滿佛子此菩薩摩訶薩於一
切法無所依止名解脫者一切過失悉
皆捨離名調伏者不動不轉普入一切
如來衆會名神通者於無生法已得善

巧名無退者具一切力須弥鐵圍不能
為障名無礙者佛子云何為菩薩摩訶
薩如空忍佛子此菩薩摩訶薩了一切
法界猶如虛空以無相故一切世界猶
如虛空以無起故一切法猶如虛空以
無二故一切衆生行猶如虛空無所行
故一切佛猶如虛空無分別故一切佛
力猶如虛空無差別故一切禪定猶如
虛空三際平等故所說一切法猶如虛
空不可言說故一切佛身猶如虛空無

著無礙故菩薩如是。以如虛空方便。了
一切法皆無所有。佛子。菩薩摩訶薩。以
如虛空忍。智。了。一切法時。得如虛空身。
身業得如虛空語。語業得如虛空意。意
業。辭如虛空。一切法依不生不歿菩薩
摩訶薩亦復如是。一切法身不生不歿
辭如虛空不可破壞。菩薩摩訶薩亦復
如是。智慧諸力不可破壞。辭如虛空。一
切世間之所依止。而無所依。菩薩摩訶
薩亦復如是。一切諸法之所依止。而無

華嚴卷四十四

三

所依辭如虛空無生無滅能持一切世
間生滅菩薩摩訶薩亦復如是無向無
得能示向得普使世間脩行清淨辭如
虛空無方無隅而能顯現無邊方隅菩
薩摩訶薩亦復如是無業無報而能顯
示種種業報辭如虛空非行非住而能
示現種種威儀菩薩摩訶薩亦復如是
非行非住而能分別一切諸行辭如虛
空非色非非色而能示現種種諸色菩
薩摩訶薩亦復如是非世間色非出世

間色而能示現一切諸色譬如虛空非
久非近而能久住現一切物菩薩摩訶
薩亦復如是非久非近而能久住顯示
菩薩所行諸行譬如虛空非淨非穢不
離淨穢菩薩摩訶薩亦復如是非障非
無障不離障無障譬如虛空廿三一切世間
皆現其前非現一切世間之前菩薩摩
訶薩亦復如是一切諸法皆現其前非
現一切諸法之前譬如虛空普入一切
而無邊際菩薩摩訶薩亦復如是普入

諸法而菩薩心無有邊際何以故菩薩
所作如虛空故謂所有脩習所有嚴淨
所有成就皆悉平等一體一味一種分
量如虛空清淨徧一切處如是證知一
切諸法於一切法無有分別嚴淨一切
諸佛國土圓滿一切無所依身了一切
方無有迷惑具一切力不可摧壞滿足
一切無邊功德已到一切甚深法處通
達一切波羅蜜道普坐一切金剛之座
普發一切隨類之音為一切世間轉於

法輪未曾失時是名菩薩摩訶薩第十
如空忍菩薩摩訶薩成就此忍得無來
身以無去故得無生身以無滅故得無
動身以無壞故得不實身離虛妄故得
一相身以無相故得無量身佛力無量
故得平等身同如相故得無差別身等
觀三世故得至一切處身淨眼等照無
障礙故得離欲際身知一切法無合散
故得虛空無邊際身福德藏無盡如虛
空故得無斷無盡法性平等辯才身知

一切法相唯是一相無性為性如虛空
故得無量無礙音聲身無所障礙如虛
空故得具足一切善巧清淨菩薩行身
於一切處皆無障礙如虛空故得一切
佛法海次第相續身不可斷絕如虛空
故得一切佛刹中現無量佛刹身離諸
貪著如虛空無邊故得示現一切自在
法無休息身如虛空大海無邊際故得
一切不可壞堅固勢力身如虛空任持
一切世間故得諸根明利如金剛堅固

不可壞身如虛空一切劫火不能燒故
得持一切世間力身智慧力如虛空故
佛子其名菩薩摩訶薩十種忍爾時普
賢菩薩摩訶薩欲重宣其義而說頌言

辭如世有人

華嚴卷第四

聞有寶藏處

第五

以其可得故

心生大歡喜

如是大智慧

菩薩真佛子

聽聞諸佛法

甚深寂滅相

聞此深法時

其心得安隱

不驚亦不怖

亦不生恐畏

大士求菩提

聞斯廣大音

心淨能堪忍

於此無疑惑

自念以聞此

甚深微妙法

當成一切智

人天大導師

菩薩聞此音

其心大歡喜

發生堅固意

願求諸佛法

以樂菩提故

其心漸調伏

令信益增長

於法無違謗

是故聞此音

其心得堪忍

安住而不動

脩行菩薩行

為求菩提故 專行向彼道

精進無退轉 不捨眾善軌

以求菩提道 其心無恐畏

聞法增勇猛 供佛令歡喜

如有大福人 獲得真金藏

華嚴卷四十四

隨身所應服 造作莊嚴具

菩薩亦如是 聞此甚深義

思惟增智海 以脩隨順法

法有亦順知 法無亦順知

隨彼法如是 如是知諸法

成就清淨心 明徹大歡喜

知法從緣起 勇猛勤脩習

平等觀諸法 了知其自性

不違佛法藏 普覺一切法

志樂常堅固 嚴淨佛菩提

不動如須弥 一心求正覺

以發精進意 復脩三昧道

無量劫勤行 未曾有退失

菩薩所入法 是佛所行處

於此能了知 其心無厭怠

如無等所說 平等觀諸法

非不平等忍 能成平等智

隨順佛所說 成就此忍門

如法而了知 亦不分別法

三十三天中 所有諸天子

華嚴卷四十五

共同一器食 所食各不同

所食種種食 不從十方來

如其所脩業 自然咸在器

菩薩亦如是 觀察一切法

悉從因緣起 無生故無滅

無滅故無盡

無盡故無染

於世變異法

了知無變異

無異則無處

無處則寂滅

其心無染著

願度諸羣生

專念於佛法

未嘗有散動

而以悲願心

方便行於世

勤求於十力

處世而不住

無去亦無來

方便善說法

此忍最為上

了法無有盡

入於真法界

實亦無所入

菩薩住此忍。普見諸如來。

同時與授記。斯名受佛職。

了達三世法。寂滅清淨相。

而能化衆生。置於善道中。

世間種種法。一切皆如幻。

華嚴卷四十四

若能如是知。其心無所動。

諸業從心生。故說心如幻。

若離此分別。普滅諸有趣。

譬如工幻師。普現諸色像。

後令衆貪樂。畢竟無所得。

世間亦如是。一切皆如幻。

無性亦無生。示現有種種。

度脫諸衆生。令知法如幻。

衆生不異幻。了幻無衆生。

衆生及國土。三世所有法。

如是悉無餘。一切皆如幻。

幻作男女形。及象馬牛羊。

屋宅池泉類。園林華果等。

幻物無知覺。亦無有住處。

畢竟寂滅相。但隨分別現。

菩薩能如是 普現諸世間

有無一切法 了達悉如幻

衆生及國土 種種業所造

入於如幻際 於彼無依著

如是得善巧 寂滅無戲論

住於無礙地 普現大威力

勇猛諸佛子 隨順入妙法

善觀一切想 纏網於世間

衆想如陽燄 令衆生倒解

菩薩善知想 捨離一切倒

華嚴卷四十四

廿九

衆生各別異。形類非一種。

了達皆是想。一切無真實。

十方諸衆生。皆為想所覆。

若捨顛倒見。則滅世間想。

世間如陽燄。以想有差別。

知世住於想。遠離三顛倒。

譬如熱時燄。世見謂為水。

水實無所有。智者不應求。

衆生亦復然。世趣皆無有。

如能住於想。無礙心境界。

若離於諸想 亦離諸戲論

愚癡著想者 悉令得解脫

遠離憍慢心 除滅世間想

住盡無盡處 是菩薩方便

菩薩了世法 一切皆如夢

華嚴卷四十四

非處非無處 體性恒寂滅

諸法無分別 如夢不異心

三世諸世間 一切悉如是

夢體無生滅 亦無有方所

三界悉如是 見者心解脫

夢不在世間 不在非世間

此二不分別 得入於忍地

譬如夢中見 種種諸異相

世間亦如是 與夢無差別

住於夢定者 了世皆如夢

非同非是異 非一非種種

衆生諸剎業 雜染及清淨

如是悉了知 與夢皆平等

菩薩所行行 及以諸大願

明了皆如夢 與世亦無別

了世皆空寂 不壞於世法

譬如夢所見 長短等諸色

是名如夢忍 因此了世法

疾成無礙智 廣度諸群生

脩行如是行 出生廣大解

華嚴卷四十四

巧知諸法性 於法心無著

一切諸世間 種種諸音聲

非內亦非外 了之悉如響

如聞種種響 心不生分別

菩薩聞音聲 其心亦如是

瞻仰諸如來

及聽說法音

演契經無量

雖聞無所著

如響無來處

所聞聲亦然

而能分別法

與法無乖謬

善了諸音聲

於聲不分別

知聲悉空寂

普出清淨音

了法不在言

善入無言際

而能示言說

如響徧世間

了知言語道

具足音聲分

如聲性空寂

以世言音說

如世所有音 示同分別法

其音悉周徧 開悟諸群生

菩薩獲此忍 淨音化世間

善巧說三世 於世無所著

為欲利世間 專意求菩提

華嚴卷十四

而常入法性 於彼無分別

普觀諸世間 寂滅無體性

而恒為饒益 脩行意不動

不住於世間 不離於世間

於世無所依 依處不可得

了知世間性

於性無染著

雖不依世間

化世令超度

世間所有法

悉知其自性

了法無有二

無二亦無著

心不離世間

亦不住世間

非於世間外

備行一切智

譬如水中影

非內亦非外

菩薩求菩提

了世非世間

不於世住出

以世不可說

亦不在內外

如影現世間

入此甚深義 離垢悉明徹

不捨本誓心 普照智慧燈

世間無邊際 智入悉齊等

普化諸群生 令其捨衆著

觀察甚深法 利益群生衆

從此入於智 脩行一切道

菩薩觀諸法 諦了悉如化

而行如化行 畢竟永不捨

隨順化自性 脩習菩提道

一切法如化 菩薩行亦然

華嚴卷四十四

三

一切諸世間

及以無量業

平等悉如化

畢竟住寂滅

三世所有佛

一切亦如化

本願脩諸行

變化成如來

佛以大慈悲

度脫化衆生

度脫亦如化

化力為說法

知世皆如化

不分別世間

化事種種殊

皆由業差別

脩習菩提行

莊嚴於化藏

無量善莊嚴

如業作世間

化法離分別 亦不分別法

此二俱寂滅 菩薩行如是

化海了於智 化性印世間

化非生滅法 智慧亦如是

第十忍明觀 衆生及諸法

華嚴卷四十四

體性皆寂滅 如空無處所

獲此如空智 永離諸取著

如空無種種 於世無所礙

成就空忍力 如空無有盡

境界如虛空 不作空分別

虛空無體性

亦復非斷滅

亦無種種別

智力亦如是

虛空無初際

亦復無中後

其量不可得

菩薩智亦然

如是觀法性

一切如虛空

無生亦無滅

菩薩之所得

自住如空法

復為衆生說

降伏一切魔

皆斯忍方便

世間相差別

皆空無有相

入於無相處

諸相悉平等

唯以一方便 普入眾世間

謂知三世法 悉等虛空性

智慧與音聲 及以菩薩身

其性如虛空 一切皆寂滅

如是十種忍 佛子所脩行

華嚴卷四十四

此五

其心善安住 廣為眾生說

於此善脩學 成就廣大力

法力及智力 為菩提方便

通達此忍門 成就無礙智

超過一切眾 轉於無上輪

所脩廣大行 其量不可得
調御師智海 乃能分別知
捨我而脩行 入於深法性
心常住淨法 以是施群生
衆生及刹塵 尚可知其數
菩薩諸功德 無能度其限
菩薩能成就 如是十種忍
智慧及所行 衆生莫能測

大方廣佛華嚴經卷第四十四

於音終 瑕音遐 羸音雷 攬音蓋上 點音轄 輓音厄

普光并會大法重宣高超十聖与三賢

等覺義幽玄心月孤圓究竟離言詮

左 滅增宗祖遭灾賈津錢浸替陬 左

那 囊能濃奴猛痴泥年難誑南堯

還 郎拐籠盧勞耒黎嶙闌林藍婁

華嚴卷四十四

北六 山城慈喜郡翁村

靈瑞山酬恩菴沙門宗桂書

那 還

